

第七册

卷之第十

關梁

勅脩甘肅通志

甘肅通志卷之第十

關梁

山林川澤憑高臨深界分壤接周禮司險設有專官

達共道路甘屬巖疆險阻折亭列障申畫郊所

除迫成梁資民利涉王政所

臨洮府

狄道縣

摩去嶺關 左

為高險所

南關塗

縣北二十里

里打壁峪關在縣

以保障近郊

涅豕關 在縣西三十里

一十里關要

二口又明一統志下襯關在縣北一百里八角關在

縣南一百一十里十八盤關在縣南一百二十里

臨洮堡 在縣北七十里宋置明洪武二年改築大

城周五百七十丈有奇高三十六尺北築郭東西

北三門今塌損

通谷堡 在縣東二十五里宋熙寧五年置又南川

堡在縣南三十里宋熙寧六年置結河堡在縣北

二十里宋熙寧七年置

永寧橋 舊在縣西洮河上宋熙寧五年熙州守承建

賜名永通明移建於縣西四里造於十二里岸

置木柱十二維以鐵纜草纜各二更名永寧中熙

十三年靖苗侯張勇因用兵輓運芻糧仍移建城

西北五里至今續修往來通利

弘濟橋 在縣西北一百三十里洞子溝洮河上為
蘭河二州通道明萬曆中建用船十二濶四十餘
丈冬撤春建今廢已用舟以渡

長濟橋 在縣東五里明萬曆二二一册誌

涇源縣

分水嶺關 在縣西十五里分水嶺上自嶺以西之
水悉入洮河以東之水悉入涇河置關於此入府
孔道為縣境之襟要

慶平堡 在縣西北三十里宋熙寧五年置金改為

鎮府志在縣西北有垣墻常繕治之可以避兵

乞神平堡 在縣西南宋熙寧五年王韶擊降蕃部

城涇源堡及乞神平堡

鍬谷河橋 在縣東十五里

清源河橋 在縣南門外

通順橋 在縣西十里

渭河橋 在縣北五里

蘭州

金城關 在州北二里黃河西北山要隘處倚山臨

河乃通甘肅要路周武帝置金城津隋開皇十八年改津爲關明設巡司於河南岸高曆二十五年易土以磚

京玉關 在州西北四十五里石把埽橋宋置關賜今名元廢

東關堡 在州東十八里宋元豐四年置本名鞏哥關後改爲東關堡

西關堡 在州西二十里宋置關通臨黃河與夏人接界元廢

臯蘭堡 在州東南九十五里宋元豐四年置明弘治十八年重修

質孤堡 在州東五十里宋元豐二年置勝如質孤一堡買子堡在州東五十里又汜石溝堡在州東六十里十字川堡在州東北一百二十里一條城堡在州東北一百五十里五堡皆在河南

西古城堡 在州西百四十里又積積灘堡在州西南八十里皆在河南

安寧堡 在州西北三十里又鹽場堡在州東北十

里皆在河北明萬曆三十三年置守備駐防今廢
鐵百城堡 在州北八十里卽定火城亦明置

紅水河堡 在州北五百四十里堡城周一百二十

丈高三丈一尺濠深一丈五尺明萬曆二十七年

平松山兵備副使荊州俊廷又三眼井堡在州北

五百里亦是年建城池高濶如紅水冊說紅水營

堡在州北三百三十里三眼井堡在州北二百九

十里城皆周二里五分又萬曆二十六年以松山

平定議築新邊府同知馮詢筆踏看得松山雙墩

子以東至紅水河西四十里有水可以築牆紅水

河以東三十里但石山無土不堪挑築應砌石墻

自鹹灘墩至永安堡索橋三十里川險間斷或築

墻或挑濠各相便宜又五邊考新邊自靖虜衛界

黃河索橋起至莊浪界土門山共長四百里而蘭

靖莊浪千四百里之衝邊始安弟蘆塘三眼井等

處土踈易圯時費修築若按明初舊址自鎮番直

接寧夏中衛通樹長邊則外鑰尤壯矣

永泰城堡 在州東北三百七十里明萬曆三十二

年建府志永泰城在紅水迤南一百二十里周四百八十丈高四丈又保定堡在天池水永泰迤南一百五十里鎮虜堡在滾巴川保定迤南一百二十里二堡與紅水相唇齒

鎮遠橋 在州西北二里黃河上明洪武五年宋國公馮勝建於城西七里以濟師越四年移建於州西十里名曰鎮遠十八年又移建於城西北二里金城關用巨舟二十四艘橫亘黃河上架以木梁柵以木板圍以楯欄南北兩岸為鐵柱四繫鐵纜

二各長一百二十丈冬河凍則拆春永泮復建以通河西甘肅等路弘治初馬文升言陝西之路口通甘涼者惟蘭州浮橋一道敵若據此橋則河西隔絕餉援難通矣

通濟橋 在州東二十里黃河上今廢

西津橋 在州西二里以木架空俗名卧橋跨阿干

水

金縣

把石堡 在縣西北四十里又買女堡在縣西北五

十里接蘭州

十字川堡 在縣東北八十里東二十里為一條城

定遠鎮 在縣西北四十里豬嘴山下一名豬嘴堡

清水鎮 在縣東三十里

浩疊橋 在縣南郊外

神濟橋 在縣北郭外

河州

積石關 在州西北一百二十里東去積石山五十

里一劫置茶馬司於河州此為市場之處有官軍戍

守

崔家峽關 在州西一百五十里石榨一道

樊家峽關 在州西一百二十里石榨一道

大峽關 在州西八十里石榨一道

五台關 在州西九十里石榨一道

紅崖關 在州西九十里石榨一道關門一座

訖藏關 在州西七十里

老鴉關 在州西九十里訖藏之南

莫泥關 在州西七十里

土門關 在州西南九十里閼門一座

石嘴關 在州西六十里邊榨一道閼門一座

朶只巴關 在州西七十里石榨一道

缸板嶺關 在州南六十里

槐樹關 在州南七十里閼門一座

西兒關 在州南九十里

喬家岔關 在州南八十里

牙塘關 在州東南七十里

沙家關 在州西南八十里林楚控隘足以守禦自

此而西舉足侵高又行一日至嶺西其地益高與

西域相出入處元遣都寔訪河源路出於此迤東

爲思巴思關

思巴思關 在州南八十里

陡石關 在州南八十里邊榨一道

大馬家灘關 在州南七十里邊榨一道

小馬家灘關 在州南四十里

麻山關 在州南一百四十里

俺隴關 在州南二百里以上二十四關明俱設官

甘肅通志 卷十 關梁

分守今裁以塘丁把守

歸德堡 冊說州西至老鴉關九十里又西至起臺堡一百五十里又西至保安堡二百八十里又西至歸德堡三百里又西至閘門番漲草地界八十里

南川寨 九域志熙寧七年置在州南四十里宋志初置南山堡尋改爲砦元符二年羗酋鬼章城洮州以居引兵攻宋之南川寨卽此金因之元廢舊志在州西南七十里又寧河寨在縣東南府志明

河州衛轄十里屯水泉坪安遠坡古城等四寨又

歸德所轄周鑑王源劉慶李釗康泰楊鑾等六寨

安疆砦 在州西宋志舊當標城崇寧二年收復改

名東至來同堡二十五里西至通津堡五十里南

至循化城一百一十里北至黃河十里金廢

東谷堡 在州東南唐會昌四年吐蕃叛將論恐熱

攻鄯州爲尚婢婢所拒退保東谷婢婢爲木柵圍

之絕其水源恐熱突圍走保薄罕山衆皆降於婢

婢九域志熙寧七年置東谷堡在州東南十五里

金廢

夾同堡 在州西宋志舊名甘樸堡宗寧二年築賜名東至南川砦九十里西至安疆砦二十五里南至懷羌城三十五里北至來羌城二十里金屬積石州元廢

濶精堡 六域志熙寧八年置在州西南十五里宋

志作閻精堡又元豐三年置西原北河一堡皆金

廢

通洋堡

在州南宋志舊名南遠堡崇寧二年賜名

秉至安疆砦五十里西至大通城界二十五里南

至循化城一百三十里北至大通城界五十里金

屬積石州元廢舊志在州西一百六十里

臨灘堡

在州西北宋志東至安鄉關四十里西至

古鷄山二十里南至南川砦界二十里北至黃河

四十里金屬積石州元廢

順通堡

在州西宋志屬積石軍宋置涼至臨湫堡

十二里西至本軍十八里南至臨湫堡界二十五

里北至樂州懷和砦界十二里又臨湫堡東至廓

州界五十里西至順通堡界十二里南至把撥公
原界約六十里北至黃河十五里以上諸堡皆金
廢

保安堡 在州西三百五十里明置保安站及保安

操守所

起臺堡 在州西一百五十里有城明萬曆中修築

周一百六十丈高三丈五尺設守備駐防

大通堡 在州北一百八十里河北面有邊牆自大

通河起至迭遜溝止長八十里又累石城在州東

南一百二十里明萬曆十八年火酋內犯常添設

守備於此三十三年移駐蘭州

雙城堡 在州南龍溝堡在州西南及馬灘院吹麻

千臺觀等共十堡皆轄河州叅將營

俺哥堡 在州北五十里又定羌堡在州北一百里

及和政寧川長寧韓家尹家以麻黑石山高陵山

紅土坡等共十堡皆轄於河州

招橋 在州東十里大夏河上兩岸禹鑿石蹟尚存

洩湖橋 在州東三十里大夏河上相傳禹未䟽鑿

時州境皆湖自禹導水入黃河因名

寧河橋 在寧河城下今廢歲修木橋

大夏橋 在州南三里共五十六空

永濟橋 在州西十里

銀川橋 在州西四十里今廢

弘濟橋 在州東九十里固子溝口下通蘭州路久

廢康熙四十三年河廳郭朝佐知州王全臣設舡

一隻

黃河上渡 在州積石關通西寧路明設官舡一隻

水夫二十名後舡廢

黃河下渡 在州刺麻川蓮花寨通莊浪路明設官

舡一隻水夫六名後船廢康熙四十五年知州王

全臣復設

歸德所

官田墩 在所京十里又一十里至馬廠墩俱撥兵

防汛

石坡墩 在所西三里又五里至上河墩又四里至

山平墩又三里至煖泉墩又十五里至烟洞墩又

古肅清志 卷十
二一里至撒通墩俱撥兵防汛

寺用嘴墩 在所南五里又十五里至王屯墩又二
十里至周屯墩俱撥兵防汛

邊牆一道 自燧泉溝至黃河岸止長八里中設閘
門二座明洪武七年建上閘門通燧泉腦一百二
十里至巴失塘係夷人地界下閘門通撒通山一
百五十里至沙溝亦係夷人地界俱撥兵駐防

鞏昌府

隴西縣

首陽關

在縣西南四十里首陽山上與涇源縣接

界今日首陽鎮又府南有赤水三關又西南有後

川藥舖二關

錦布隘

在縣北六十里其地有錦布峪因名有錦

布鎮遞運所又境內有沙灣口截道深安烏龍等

隘皆在縣北

天衢鎮

在縣東四十五里接寧遠縣界

熟羊寨 在縣西四十里後為鎮又縣北二十五里
有三垒堡俱宋熙寧年置

五谿聚 在縣東後漢志襄武有五谿取湯盛分堯
為五部錯居谿旁每谿為五家

甸子川 在縣西四十里有遞運所

古渭橋 在縣城北

便民橋 在城北七十里其地跨深安溝亦曰便民
一橋又有二橋在縣北三十里跨烏龍溝三橋在

縣北五十里跨錦布谿

安定縣

巉口關 在縣北四十里路通甘肅宋置關於此明
置巡司今韋薰志有關川在西北七十里西通蘭
州北通靖遠為要隘之區

烏龍關 在縣南東西兩河間亦宋置南接隴西縣
今亦曰烏龍隘又有晴嵐峪口大西口雙峪口峽
口四隘

西華鎮 在縣東六十里又東有龜兒嘴鎮又西北
六十里有秤鈎灣鎮秤鈎驛

內官營堡 在縣西北明肅府置府志縣有堡共二
十

平西砦 在縣北宋志地名青石峽紹聖中築元豐
中又置榆木砦熨斗坪二砦

永安營砦 在縣西北又北有九條岔砦又東有撓
子岔砦秦儀岔砦又東北有泉子砦又有姚家砦
火小南岔北岔四砦

廣濟橋三 一在縣東三里一在三十里一在四十
里皆深澗險巖康熙十四年靖逆侯張勇建又廣

惠橋在縣東一里永濟橋在縣東六十里

利物橋 在縣北一里又鎮遠橋在縣北六十里西

土橋在縣西二十里跨西河

通順橋 在縣南十里又永安橋在縣北三十里便

民橋在縣南九十里

通渭縣

華川關 在縣西八十里華川水上又東南有閉門

關又北有石門關

田家峽隘 在縣東五里又東北二十里為砥石峽

又北二十里爲談家峽又西二十里爲石嘴峽又
有袁家蘭家金帶三峽隘

安遠鎮 在縣東南六十里九域志天祿二年置安
遠砦卽今鎮也接伏羗界邑城北寺子鎮東鷄川
鎮西義岡鎮西北舖路鎮又有蔡家白塔等鎮

渭陽砦 在縣南又府志縣有山砦堅鷄四羅坡龍
共五砦

者達堡 在縣西南宋志通渭縣領者達本當七麻
二堡府志縣有中林中峴等堡共二十一

朝陽橋 在縣東百步

漑橋 在縣東十五里一名苦水橋

漳縣

箭筈山砦 在縣東南箭筈山上居民築以禦寇

鹽廠鎮 在縣南五里又二十里有三岔鎮

烟波堡 在縣西五十里又有紅崖鳳臺二堡

砥柱橋 在縣南半里又西南五里爲鹽井橋又有

啞虎鳳凰安峪龍馬四橋

會寧縣

青家關 在縣東九十里明置巡司今裁

烏蘭關 在縣北五十里

翟家鎮 在縣東四十五里又北八十里為乾溝鎮

郭城鎮府志縣境又有陡城永泉二鎮

舊羊營 在縣西北又北有新羊營

金龍峪堡 在縣北縣志其環縣境土堡凡三十一

座明時俱有欽降式樣器械備守禦

西寧橋 在縣東三十里又東十里為後川橋俱跨

松樹堡河又東北一百二十里為界首橋跨響河

西津橋 在縣西二里又西北五里為范家灣橋

伏羌縣

槐樹關 在縣東三十里槐樹嶺與秦州接界

天門隘 在縣南天門山下

落門聚 在縣西五十里即落門鎮府志有小落門

永寧禮辛二鎮

安遠堡 在縣北十里接通渭界

見龍堡 在縣西南四十五里永寧鎮西一百倚山

三回懸崖又黃羊堡在東南二十五里九域志達

隆堡在縣西北慶曆五年置

石峽堡 在縣東北三十里一面倚山三面阻水天

成險峻又延泉洞堡在縣西二十里六新洞堡在

縣西三十里皆在石厓之半九域志伏羌城領得

勝榆林等十一堡

嶽底上橋 在縣東北五里渡渭通秦安路又嶽底

下橋在北三里渡渭通通渭路

朱圍上橋 在縣西二十五里又朱圍下橋在縣西

二十八里俱渡渭通寧遠路

中川渡 在縣西五十里

寧遠縣

大木樹關 在縣東南九十里分水嶺下與禮縣接

界

馬務關 在縣西南箭竿山下亦曰馬務鎮縣境又

有水關文盈二關

太陽山隘 在縣南一百二十里又魯莽山隘石門

山隘花厓山口木峽四隘俱在縣東北又硯石

峽隘在縣東南

來遠鎮 在縣西南三十里又威遠鎮在縣東南與伏羌接界俱宋置

榆盤鎮 在縣北六十里縣志又有天衢鴛鴦山丹

賀家洛河四門永安樂善楊家馬力坡凡十一鎮

納泥鎮 在縣西四十里接隴西縣界又名燕峯川

廣吳堡 在縣西三十里廣吳山下縣志縣境有花

匡沙團等二十二堡

卧龍橋 在縣西郭外有卧龍石形跡俱全故名今

橋已廢置船以渡渭又西三十里有廣濟橋又虹

渡橋在西四十里又西南有峽口橋

小高橋 在縣東二十里又大高橋在南八十里又

南河橋在東三十里又水關橋在東南四十里

焦家渡 在縣西二十里渡漳通府

西和縣

青陽峽隘 在縣東南五十里又府志有屏風土橋

二隘皆設險處

長道鎮 在縣西北六十里接禮縣界九域志長道

縣有長道故城又府志縣境東北九十里白石

鹽官永寧大潭四鎮

湫池堡 在縣東南宋置

卧龍橋 在縣北九十里又白水橋在縣北大水橋

在縣南又有紅嶺橋三渡橋

靖遠縣

會寧關 在縣西南一百二十里烏蘭山上宋元符

元年建築初賜名通會後改會寧金大定八年改

為會安今稱烏蘭關

永安堡 在縣東北一百二十里明隆慶五年建城

周三里三面距山一面臨河河以外即邊徼為邊

防極衝要地所管隘口十有二處有牆邊五十里

無牆斬坡邊一百餘里康熙三十三年總督佛倫

題請丈量應修一萬二千八十四丈康熙四十一

年黃河泛漲衝壞邊牆二百一十八丈按年修築

蘆溝堡 在縣京一百八十里明萬曆二十四年建

城周三里與寧夏中衛比隣至邊五十一里隘口七

處邊牆一十八里

蘆塘堡 在縣北一百二十里黃河外新疆內城周

二里本松部着力兔牧地萬曆二十七年築新邊
牆欄墩柵創建大小蘆塘二堡設叅將屯兵千餘
隘口二十一處邊牆五十里小蘆塘堡在縣北二
百一十里城門一百八十步北至邊牆三里隘口
二處邊牆二十里

平灘堡 在縣西九十里明正統年建黃河自此入
境城周一里三分舊爲蘭州地萬曆五年改隸靖
遠衛臨河踞勝四面天險東西沿河五十里俱無
邊塹止斬土石作坡坂而已

迭烈遜堡 在縣北七十里萬曆年築城周二百五
十步有邊牆七十里明初設巡司戍兵防守又水
泉堡在縣北九十里萬曆四十年修城周一里二
百步堡築山嘴四面天險又陡城堡在縣北五十
里有邊牆十里

哈思吉堡 在縣北一百七十里明隆慶六年建城
周一里三面陡峻東連永安北達蘆塘控制之要
衝有隘口三處無牆邊二十里又索橋堡在哈思
吉西十五里萬曆二十九年建於河東名爲鐵鎖

甘肅通志 卷十一 三
關又河西之堡萬曆四十二年建

沙石堆堡 在縣北一百三十里因山厓斬削成城

周一百六十丈明嘉靖四年建有隘口二處邊牆三十里

大廟堡 在縣北一百五十里萬曆三年建六廟塔

兒灣爲永安之門戶其呼囉海馬尾溝羊房窩舖西接劉家寺東連喜鵲溝榆樹峴在在皆險隘要

害之地所管有隘口七處邊牆十里無牆斬坡邊六十里

打刺赤堡 在縣東七十里宋崇寧元年建城周二

里其地本名大麻川三面沙河一面天險係邊境大路東達固鎮西通靖遠

乾鹽池堡 在縣東一百二十里卽宋之定戎堡崇

寧間建城周四里堡係邊境建在通衢最爲衝要

邊防要路 一臨自花馬池過透由鎖黃川至打刺

赤青沙峴入安會地方一路自定邊乾溝梁家泉

人鎖黃川一路自塔兒灣乘冰渡河由鎖黃川入

環固地方由青沙峴入安會堡寨一路自迭烈遜

老龍灣乘水渡河由旱平川白崖子打刺赤入安
會地方

索橋 在縣西黃河上又烏蘭橋在縣西南

岷州

石關 在州東一百三十里有關城東維秦隴西控

番族天然鎖鑰

荔川寨 九域志熙寧六年置在州東八十里又七

年置床川寨在州東二十里閭川寨在州東一百

二十里

臨江寨 在州東南九域志雍熙二年屬秦州熙寧

六年改屬岷州在州南一百四十里又七年置宕

昌寨在州南一百二十里即古宕昌城

遮陽堡 九域志熙寧七年置在州東一百里又置

穀藏堡在州西四十里十年置鐵城堡在州東八

十里元祐中神誼等擊鬼章復濟邦金川至鐵城

叅明大破之明洪武初李文忠討西番從洮州鐵

城取道而出即此

茶埠峪寨 在州東一十五里自是而東有冷落山

永寧堡弄松堡三寨

鴉山寨 在州東南三十五里又東南有紅土坡寨

在州東南二十里峇竜溝等七寨在東南三十里

野人溝寨在京南四十五里谷路山寨在東南六

十里申都寨在東南八十里磚塔寺寨在東南一

百里紅崖寨在東南一百二十里

栗林寨 明一統志在州南一十五里又南有凌兀

赤分水嶺哈苔川賞家族脚力高樓舖何家舖顛

角宕昌老鼠川十砦衛志又有疊藏路砦在南二

十五里怕石寨在南五十里西固口寨在南六十

里峪剛都砦在南七十五里師師梁溝砦在南八

十五里白楊林砦在南一百里白水川寨在南一

百二十里新城砦在南一百四十五里

木昔寨 明一統志在州西南十五里又西南有吳

麻溝鹿兒壩泗水植鎮羗三岔五砦衛志又有章

哈溝砦在西南二十里

曹家寨 明一統志在州西十五里又西有中砦野

狐橋冷地岔三砦衛志又有大溝砦在西十八里

駱駝巷寨在西二十里溝深寨在西三十五里砍

卜他砦在西四十六里西灣濠砦在西五十八里

永寧堡寨在西六十里

水磨溝砦 明一統志在州北五十里又馬崖子砦

在北七十里衛志又有須須溝砦在北三十里湫

子溝寨在北一百里鎮平堡寨在北一百二十里

梅川寨 明一統志在州東北三十里又東北有酒

店子普魯嶺二砦以上諸砦皆有官軍防守衛志

普魯砦一名木欄寨

荔川鎮 在州東三十里又紅崖鎮在州東一百里

又良恭鎮在州南二百八十里又馬塢鎮在州東

南二百四十里

邊防要路 岷熟番七十餘族生番一百七十餘族

一路關惡占藏等族生番去城四百里由着古灘

素子溝入至莫遮攔洮平諸處一路刺答等十餘

族生番由肚兒山溝入至紅崖寨板橋兒班哈等

堡一路烟刺勿杓等族生番去城一百五十里由

中寨駱駝巷大溝山後通本州西路鐵窠門等堡

一路鐵占等七族生番去城一百餘里由馬葉倉
 鹿兒壩入至鹿兒壩等寨一路麻子川屬番勾引
 打喇等族生番自分水嶺通本州一路自西灣寨
 西通海東通臨鞏一路官洛志藏等族屬番自着
 古灘鎖溝潛入為盜

疊藏長橋 在州東二里明成化二年建康熙三十
 六年重修又茶埠峪橋在州東十五里又有梅川
 橋在州東北三十里

野狐橋 在州西四十里由洮入岷之路明弘治十
 四年建

城北渡 在州北一里又龍王台渡在州東五里

洮州衛

松嶺關 在衛東三十里黑松嶺上又黑石嘴關在
 衛東北四十里

石嶺關 在衛北十五里石嶺山下又羊撒關在衛
 北六十里大嶺關在衛北九十里八角關在衛北
 一百四十里明時俱有官軍防守又有三岔高樓
 一二關皆廢為堡

南路 駝竜隘口納郎隘口荅扎隘口荅峪溝隘口

麻兒隘口喇力溝隘口哈占溝隘口共七隘南通

四川疊州界

西路 扯巴隘口截古哈隘口迭當隘口峪古墩隘

口七什小隘口步藏小隘口共六隘西南通四川

疊州青海路

北路 官洛小隘口烏藏小隘口甘不他小隘口俱

通西海又邊古壕口無邊牆有木閘通青海路上

八角口無邊牆有木閘通火兒藏番族又通黃河

渡口最緊要

通岷峽 在衛東北宋置

舊洮州堡 在衛西七十里即舊州治自移衛而東

以其地為堡南接生番西隴川部明正德時亦不

刺竊據西海頻年內犯嘉靖十八年由官洛直犯

臨洮自此洮說諸邊為首衝萬曆元年重修周二

聖門二又古爾占堡在堡西十里惡藏堡在堡西

二十里官洛堡在堡西二十五里又有甘不他土

門等堡皆番入要路迤東有楊昇等十二堡雖小

俱係要衝

定秦堡 在衛東北吐蕃所築明成化時番族常攻此

劄龍溝堡 在衛西番界

茶馬司 在衛治西南

邊牆 自舊洮堡南峪口石崖起至荅家閘門三十里荅家至甘卜他閘門三十里甘卜他至官洛閘門十五里官洛至惡藏閘門十五里惡藏至土橋閘門六十里土橋至邊古壕七十餘里邊古壕至

七八角山頂石墩河州交界三十里

東路堡寨 扁都上店過關黑松山岔濟洮高樓黑

石嘴巴截共八處東至岷州界

南路堡寨 琵琶新堡楊花舊橋張雄石旗溫旗鄭

旗納郎資付秦百戶共十一處南至岷州界

西路堡寨 水磨劉順白土楊示千家太平工門丁

河官洛舊洮李剛場昇古兒占共十三處西至邊牆生番界

北路堡寨 白松羊撒小嶺雙埃石廟石八角茄兒

羊六八處北至河州界

邊防要路 一路自丹巴川由扎竜三垒至榨堵牆

透官洛惡藏通本衛一路自西邊挖糝填塹渡朶

的河通本衛一路自九條嶺通本衛一路自馬連

灘透馬旗堡入犯衛窺岷一路自黑石嘴透遭接

寺通岷州一路自搭連川透土門堡通臨洮一路

自白松嶺大草灘大山口通臨洮皆極衝要害

鳳山橋 在衛北四十里又舊橋在衛東南四十里

又新橋在衛西南四十里明時皆有關官軍防守

又楊花橋在衛南三十里又仁和橋在城內

西固城

武都關 在城西二十里又久遠關去城三十里內

漢外番

平定關 在城西北三十里宋志福津縣有平定關

卽此

化不關 在城北九十里

牛圈關 在城東九十里明正德年築

閣棧 澗木閣棧去城五里化馬閣棧觀音閣棧去

城八十里

邊防要塞 西寨平定黃水灣靖邊塬頭橫岩沙川

南峪新興平羗兩河口殺賊橋消水溝安家坡鹿

川沙壩共十五寨最為要害

邊防要路 一路自消水溝通兩河口沙川寨等處

一路山後坡平道兒等族生番自核桃坡通橫岩

近郊一路自黃水灣錯落坪透澗溪溝通平定寨

等處一路自西坡寨有邊牆一道堵之一路自柳

壩壩通西禮階岷

南薰橋 在城內東南又近化橋在城內東北又濟

川橋在城東四十里雍正九年重建殺賊橋在東

六十里南峪橋在東南二十里又鄧鄧橋在東北

九十里以鄧艾經此故名

永寧橋 在城南門外康熙五年建沙川橋在西南

十里又種家橋去城五十里康熙五十年建新橋

頭去城六十里

平涼府

平涼縣

通稍關

在縣東五里明時平涼衛軍戍守

硤石鎮

在縣西相近又有歸化堡唐貞元十四年

歸化堡軍亂涇原節度使劉昌討定之元和中涇

原節度使王潛自原州踰硤石鎮敗敵軍築歸化

潘原二壘是也舊志歸化堡在府西冊說今府北

六十里有潘原澗近時守禦處蓋卽故潘原壘矣

安國鎮

在縣西三十五里唐貞元七年劉昌築胡

谷堡改名彰義堡九域志平涼縣有安國耀武二鎮金屬化平縣通志安國鎮在府西三十里鎮西有古城疑卽彰義舊堡後改爲安國或曰安國卽胡谷之訛四達衝途實爲要鎮

虎山墩 在縣北五里下驂府城最爲要隘又交龍口墩在大蘆河原上南去虎山十五里施家峴墩在小蘆河原上皆爲要隘

太平橋 在縣東關跨壕池

乘風橋 在縣東三里跨湫谷水又名湫谷橋宋太

守蔡挺建

通濟橋 在縣東五十里鄆現鎮

涇河橋 在縣西五里跨涇水

橫河橋 在縣西三十里跨橫水

崇信縣

三鄉關 在縣西南與華亭安東衛相間係華隴孔道

九工堡 在縣東十里北山之麓卽故九工城初欲建於此築九堵而罷故名

新安堡 在縣南四十里卽故赤城昔秦始皇獵至

此築城駐蹕城高溝深可以避兵今作堡

崇遠堡 界隴州爲衝地

泃水橋 在縣北一里跨泃水

華亭縣

制勝關 在縣西北卽古安化縣治新唐志原州有

制勝關爲七關之一控帶隴山以西之路舊號大

振門宋慶曆中改爲關管沿坡小砦二十五處

瓦亭關 在縣西北一百八十里瓦亭山西麓接固

原州界詳見固原

六盤關 在縣西北六盤山上唐原州七關之一也

又見固原

蕭關 在縣西北東接鎮原北通固原今日牛營山

詳見固原

三鄉鎮 在縣東南八十里其地有三鄉川故名又

九域志華亭縣有黃石河一鎮又有鐵冶銅場鹽

場茶場

白岩河鎮 在縣西北九域志安化縣有安化白岩

河二鎮安化卽宋初故縣金因之後魏於今縣西

北六十里置大會鎮卽今大會坡

策底鎮堡 在縣北十五里古名柴底

南河橋 在縣東二里跨南河

北河橋 在縣北三里跨北河

鎮原縣

蕭關 在縣西一百四十五里雍州四關之一北曰

蕭關是也詳見固原

木峽關 在縣西南並石門驛藏制勝石峽木峽六

盤皆唐時置之以禦吐蕃者詳見固原

開邊寨 在縣西南二十里宋咸平元年置熙寧二

年廢新門寨入之又安平寨在縣西八十里天聖

五年置後因之

新城鎮 在縣西九域志乾興元年以慶州柳泉新

城二鎮隸原州熙寧三年廢截原砦入之新志新

城鎮控大盧川路

柳泉鎮 在縣西北七十里舊名鶉鴿原宋慶曆中

置西卽熟戶明珠滅藏康奴等族北紆寧砦

古肅通志 卷十
佛空坪堡 在縣西北宋慶曆中修築得北邊戎馬
來路

固原州

蕭關 在州東南漢書文帝十四年匈奴入朝那蕭
關殺北地都尉至彭陽使奇兵燒回中宮侯騎至
雍甘泉景帝三年吳王濞反言燕王北定代雲
中搏胡衆入蕭關走長安元鼎間武帝幸雍踰隴
登塋崗出蕭關獵新秦中元豐四年復幸雍通回
中道遂出蕭關唐久視初以魏元忠爲蕭關道大

總管以備突厥天寶十五載太子按軍平涼議出
蕭關趨豐安曰靈州我之關中也大中三年吐蕃
以秦原安樂三州及原州之蕭關石門驛藏制勝
石峽木峽六盤等七關來降五年白敏中帥邠寧
平党項乃規蕭關通靈武道舊唐志高宗時嘗置
地犍縣於此神龍初別置蕭關縣而地犍縣廢元
和志蕭關故城在平高縣東南三十里卽漢蕭關
城也史記正義蕭關今口隴山關明初徐達白靜
寧隆德至蕭關遂取平涼舊志蕭關關中四關之

一也自秦漢以來爲華戎之大限襟帶西涼咽喉
靈武北面之險也

瓦亭關 在州南後漢建武八年隗囂乘衆攻來歙

於略陽使牛邯軍瓦亭以拒援軍鄧國志烏氏縣
有瓦亭晉太元十二年苻登與姚萇相持軍於瓦
亭元興初魏主珪遣拓跋遵襲沒奕干於高平沒
奕干奔秦州魏軍追至瓦亭而還唐至德元年肅
宗幸靈武牧馬於瓦亭元和志瓦亭故關在平高
縣南七十里卽隴山北陲隗囂使牛邯守處宋建

炎四年金人陷涇原經畧使劉錡退屯瓦亭金人
遂取渭州鎮戎軍吳玠與金兵戰於瓦亭皆此州
志關在州南九十里冊說有牛營子在州南六十
里卽牛邯營處

木峽關 在州西南亦隴山之口也北史後魏永熙

二年宇文泰討侯莫陳悅於水洛城至原州衆軍
罕集遂引兵上隴出木峽關隋書開皇二年突厥
縱兵出木峽石門兩道入寇武威天水金城上郡
弘化咸安六畜咸盡元和志木峽關在平高縣西

南四十里寰宇記關在平高縣西南頽沙山上

石門關 在州北隋開皇二年突厥自木峽石門兩

道入寇唐元和三年沙陀朱邪執宜自甘州謀歸

唐循烏德犍山而東吐蕃追之沙陀自洮水轉戰

至石門詣靈州降宋志懷德軍有石門堡故石門

峽東塔子嘴元符元年建築賜名明成化四年固

原所土達滿四據石城叛發三鎮兵討平之遂夷

石城卽此州志州北九十里須彌山上有古寺松

柏鬱然卽古石門關遺址又石峽關在州境當隴

山之口新唐志原州境有石門驛藏制勝石峽水

靖等關並木峽六盤爲七關

六盤關 在州西南大六盤山上與隆德縣接界唐

宣宗時破吐蕃於此見華亭

西安所 在州西北二百一十里卽故西安州明楚

藩牧地土城周六里高三丈明成化五年巡撫馬

文升建守禦千戶所轄墩臺二十一座境外有鎖

黃川長流水爲要隘之區

鎮戎所 在州北一百三十里卽葫蘆峽土城周二

里高三丈成化九年馬文升重修嘉靖三年增築
轄墩臺十九座

平遠所 在州東北二百二十里卽故鞏望城土城

周五里高三丈明弘治十四年總督秦竑題設千

戶所轄墩臺二十四座山產煤炭民以爲利地無

井泉惟苦潦水供飲東北八十里有甜水堡屬環

縣與寧夏中衛接界

羣牧所 在州西二十里明置屬行太僕寺成化三

年寇犯固原官軍拒之不克寇遂屯牧所城外進

晉開城縣殺掠甚衆是也

定川砦 在州西北二十五里九域志鎮戎軍有定

川砦慶曆二年置宋史慶曆二年趙元昊寇鎮戎

軍渭州葛懷敏禦之於定川砦賊毀橋斷其歸路

四面圍之懷敏突圍走至城壕路已斷死之元昊

遂乘勝直抵渭州是也

懷遠砦 在州南亦曰懷遠城宋史明道二年鎮戎

軍新修赤藁城賜名懷遠慶曆初趙元昊寇渭州

逼平遠所是也宋志懷遠砦後屬德順州

摧沙堡 在州西北唐書廣德二年僕回懷恩合回

紇吐蕃自朔方南犯河西節度使楊志烈遣監軍

相文達攻靈武以救京師文達擊摧沙堡靈武皆

下之進攻靈州懷恩聞之引還朔方大曆中元載

言吐蕃戍摧沙堡蓋原州要地也貞元二年李晟

又遣野詩良輔自鳳翔襲破吐蕃於此

土梨樹堡 在州東南貞元二年吐蕃將劫盟先請

盟於土梨樹神策將馬有麟奏土梨樹多險阻恐

吐蕃設伏兵不如平涼川坦夷因定盟取平涼川

是也

開遠堡 在州東南六十里宋熙寧四年置明為開

成堡屬固原衛

白馬城堡 在州東九十里古撤都地土城周五里

高三丈明嘉靖四年總督楊一清築城東北墜山

增築關城轄民堡五墩臺一十九座

大灣川堡 在州西南三十里明肅藩故地萬曆四

十年建築土城周三里高二丈設防守官軍

黑水苑堡 在州西北一百里亦謂之黑水口明嘉

靖丁九年套寇犯固原引還邊將周尚文邀敗之於此

海剌都堡 在州西北一百七十里土城周四里高三丈明成化四年巡撫馬文升建七年增修屬堡一十有七墩臺三十六座昔寇犯固原由此而入會寧靜寧之道也

紅古城堡 在州北二百二十里土城周四里高三丈明弘治十七年總督秦紘建嘉靖五年總制王憲增築外關轄墩臺一十四座堡西南十里有印

子山甚高峻

下馬關堡 在州北二百四十里州志作三百里城周五里高三丈外甃以磚明嘉靖五年總督王憲築轄墩臺一十四座其地密邇河套明時每秋防總兵移師駐焉實為扼要之區

響石溝堡 在州北下馬關東其北為葭城驛與寧夏境韋州鹽池接界固原東北之門也

徐斌水堡 在州西安所北一百餘里舊邊在堡西南新邊在堡東北為固原西路之要

甘肅通志 卷十
乾鹽池堡 在西安所西與靖遠分界為州境設險處

李俊堡 在州西一百七十里其地亦曰李俊溝亦曰酸棗溝相近有莽金佛溝木頭溝皆明天順中官軍討滿四時分道進兵處也

永安橋 在州南門外二百步

按州境邊隘北自下馬關左右剷削險隘修築大邊東西長五百餘里明弘治十八年總督楊一清創修四十餘里唐龍接修四十里王瓊修一百二

十里王憲繼修五十七里嘉靖十六年總督劉天和修乾溝乾澗六十餘里挑柴壕堤各一道謂之橫城大邊復自徐斌水迄鳴沙州黃河岸修一百二十五里增葺女牆險峻謂之梁家泉新邊總督張珩添修敵臺墩舖防禦益固其境東接榆林西連甘肅北負寧夏延袤千有餘里守禦於此急云涇州

圪塔關 在州東十里一名金家凹

路承堡 在州東南晉太元十六年苻登自新平攻

安定爲姚萇所敗登退據路承堡胡氏通鑑注路
承人姓名喪亂時創築此堡因名

連雲堡 在州西舊唐吐蕃傳貞元三年攻連雲堡
陷之堡之三面頗峻峭惟北面連原以濠爲固涇
州西要地也四年戍將劉昌始修復之

高家凹堡 在州東四十里土城周二里高二丈東
西二門又三十里爲榆林堡舊志自榆林堡至高
家凹嘉靖中調平涼衛軍防守

瓦雲堡 在州東五十里城周二里高二丈明置驛

於此

窰店鎮堡 在州東七十里土城周九十丈高二丈
與長武縣接界爲甘省東來之首鎮

王村堡 在州西三十里城周一里五分高一丈五
尺東西孔道

盤口鎮 在州南三十里盤口河北岸有市
泃水橋 在州西北三里木橋也名曰官橋每年夏
水發拆去霜降後重修

滄水橋 在州西南一里許久廢今修復如故

靈臺縣

邵寨鎮 在縣東五十里金志靈臺縣有邵砦鎮自

邠州割屬

百里鎮 在縣西亦曰百里城唐大曆八年吐蕃入

寇郭子儀使渾瑊將兵趨朝那吐蕃至百里城而

還卽此

良原鎮 在縣西北隋志安定郡領良原縣大業初

置唐屬涇州李元諒傳貞元四年爲隴右節度使

移鎮良原開美田數十里歲入粟菽數十萬斛自

是常以神策軍分屯於此謂之良原鎮

西屯鎮 在縣北三十里一名西屯堡縣志唐郭子

儀遣將白元光破吐蕃屯兵處遺址尚存

來薰橋 在縣南

棲鳳橋 在縣西五十五里細川水經其下南接麟

遊縣境

仰彌橋 在縣西北五十里

靜寧州

得勝砦 在州東北九域志天聖六年置得勝砦在

軍西北八十里領開遠一堡宋史康定二年趙元昊謀寇渭州韓琦使任福將兵自懷遠城趨得勝砦至羊牧隆城出敵後城砦相間纔四十里道近餉便據險設伏待其情歸邀擊之是也

中安堡 九域志在州西三十五里慶曆三年置金志屬水洛縣又宋志水洛城領王家城石門堡又治平砦領牧龍堡

高家堡 在州西四十五里舊為戍守處今置遞運所於此明成化五年知州靳善令州民屯軍復修

古堡五十一弘治十四年知州閻重增修五十七州境之堡總一百有八

甜水橋 在州西南四里跨甜水

苦水橋 在州西五里跨苦水

若有河橋 在州北五里

莊浪縣

達台堡 在縣東二十里又張川堡在縣西三十里皆宋金時舊置也

蓮花堡 在縣西南一百里即古蓮花城宋經畧使

鄭戩行邊至蓮花堡天寒與將佐置酒會暮塵起
有報敵騎至者戩曰此必三川將按邊回非敵騎
也已而果然卽此

隆德縣

六盤關 在縣東北詳見葦亭縣回原州

瓦亭關 在縣東詳見固原

神林堡 在縣西四十里古設大使今置遞運所

牛營堡 在縣北四十里縣志相傳漢時牛邯軍此

故名

清水橋 在縣東三里跨清水

賀貴橋 在縣東三里

底堡河橋 在縣西南三里跨底堡水

慶陽寺

安化縣

驛馬關

在縣西南九十里東西深溝南北城各長

一百四十步高一丈五尺明初張良臣據慶陽徐

達攻之遣馮宗異等守驛馬關以當原州之衝慶

陽旋下弘治中置巡司以斷各通私鹽路後裁

槐安鎮

在縣北一百五十里卽唐懷安縣後訛爲

槐安道路寬平最爲要害明成化中巡撫馬文升

增築周六里通定邊花馬池相爲應援

五交鎮 在縣東北一百十里城周二里宋范仲淹

築

業築鎮 在縣東北八十里城周二里二十步

馬嶺鎮 在縣西北七十里

董志鎮 在縣西南一百二十里四達通衢貿易輻

輳之所存堡明嘉靖中築

走馬城堡 在縣北一百八十里走馬嶺城周二里

柔遠砦 在縣北一百四十里城周二里宋范仲淹

築明馬文升增修通定邊安邊諸路儲糧屯兵倍

於他砦

白豹砦 在縣東北三百里卽宋巨豹城范仲淹所

築明改爲砦

永和砦 在縣西北一百里宋范仲淹築

荔原砦 在縣東北一百二十里宋治平間知州蔡

挺築

阜城砦 在縣西北五十里明置遞運所

寡阜砦 在縣北三十里明成化間知府王貴築更

名義安堡嘉靖間改名富砦

金湯砦 在縣東北二百里宋范仲淹築北接榆林

寧塞自此分路東南入延安西南入慶陽為邊關

安路慶陽東路入犯有三自清平鎮靖寧塞犯保

安金湯第二將荔原以達慶陽自金湯分路東南

犯延安洛川等處一自走馬城定邊槐安五交業

樂等鎮直達慶陽抵於涇邠要害為最

第二將營 在縣東北一百二十里城周七里高一

丈五尺

膠泥嶮嶮 在縣東三十五里又大嶮嶮在縣西十

五里又瓦嶮嶮在縣西四十里又石頭嶮嶮在縣

西六十里又土橋嶮嶮在縣北二百里

張官兒砦 在縣西南一百十里秦霸嶺

東河橋 在縣城東南又西河橋在縣城南

清溪橋 在縣南五里又三溪橋在縣南十里又通

寧橋在縣南十五里

北澗橋 在縣北五里又帶橋在縣北六十里

同川橋 在縣西八十里其石天生不假人為下通

乾流水

合水縣

華池鎮 在縣東北一百二十里此為東華池又有

西華池鎮在縣西南六十里宋熙寧七年俱改為

砦

鳳川鎮 在縣東北五十里宋范仲淹築控子午嶺

入西夏界

平戎鎮 在縣東北一百六十里范仲淹築路通廊

坊

太白鎮 在縣東一百二十里

白字砦 在縣東三十里

張皮嶮嶮 在縣東南五十里又菴蔞嶮嶮在縣西

南四十里

合水橋 左縣東十里又乾溝橋在縣東五里

清水橋 在縣西二里又西十里有華嚴橋又西十

里有圈洞橋又十里有板橋

環縣

清平關 在縣西北六十五里地名之字平宋元符

三年築明嘉靖中移慶陽中路遊擊駐此為安邊

花馬池要路正德以前實為衝衢自天邊既築之後此路之警無聞矣今遊擊改駐洪德城

木鉢鎮 在縣南五十里城周三里高三丈宋范仲

淹築明巡撫馬文升增築

石昌鎮 在縣西三十里宋范仲淹築西接寧夏界

平遠砦 在縣東三十里控大硯川

團堡砦 在縣北一百五十里

安邊砦 在縣西北一百二十里

安塞堡 在縣西七十里

甜水堡 在縣北二百里有泉水自洪德城以北

四百里無草木人烟稀水鹹苦不可食行旅至此

必汲水飲以療渴以上鎮砦堡俱宋范仲淹築

環江橋 在縣北二里

陡溝橋 在縣南八十里又南十里有曲子橋

真寧縣

雕嶺砦 在縣東一百里雕嶺上明初置巡司萬曆

中裁

橋山砦 在縣東北十五里縣志曰安與堡

平子鎮 在縣北三十里

山河鎮 在縣東北六十里

龍門川橋 在縣西十里

寧州

定安故關 在州西北三里

襄樂鎮 在州東北明洪武四年置巡司嘉靖間築

城萬曆間增修

政平鎮 在州東南六十里即故定平縣南接邠州

界

早社鎮 在州南三十里為商賈輻輳之地

焦村鎮 在州西三十里又大昌鎮在州西四十里

又新庄鎮在州西五十里

南義井鎮 在州北三十里又鳳凰鎮在州北五十

里

九龍橋 在州東跨九龍河

亞石橋 在州南寧江又政平橋在州南政平鎮

馬蓮橋 在州西馬蓮河又城北橋在州城北

甘州奇

張掖縣

山南關 在縣東北四十里人祖山口內通瓦窰太

平草湖諸砦外連硯瓦孤山水架諸墩兩峯夾峙

殆若紫荆居庸然敵襲甘州率田此入張掖衝要

處也明嘉靖二十七年巡撫楊博議建關城相度

形勢于石井迤南半山有原如掌改築關城四面

凡二十丈有奇高一丈七尺城壕三面凡三十丈

有奇近關更作疊水一道重險可恃

仁壽堡 在縣東四十里又東樂堡在縣東七十里

皆明置并置驛于此都司志又有太平堡在縣東

二十里拒敵堡在縣東四十里又六壩堡黑山堡

皆在縣東南九十里

洪水堡 在縣東南一百四十里明嘉靖年置堡在

大草灘之口有市番人出入之路今官兵戍守

永固城堡 在縣東南一百八十里近大草灘有番

人游牧順治八年築堡城周四里官兵戍守

馬營墩 在縣東南一百里城周一里餘扁都口在

堡西南五十里凡甘涼往來於青海西寧者皆由

口而行路雖踰山實為捷徑

黑城堡 在縣東南二百里明嘉靖中築城周五里

現有官兵防守

大馬營堡 在縣東南二百二十里明置城周二里

設官兵戍守堡亦在大草灘之中

梨園堡 在縣西一百里明置城周二里設官兵防

汛

古城堡 在縣南一百里明置城周二里設兵防守

寧番山口 在古城堡東南八十里大都麻小都麻口皆在縣東南九十里酥油口在縣南十五里明於酥油口散岔道溝山寨斷要路甃砌短城黑番在大都麻口者曰囊素在小都麻口者曰心慶喀在酥油口者曰黃牛家番子又有野馬兒等口口外黑番曰黑羅漢

龍首堡 在縣西南都司志有下龍首堡上龍首堡俱在西南五十里因地近磁窑坂答等口番帳民苦劫掠田畝漸廢明嘉靖二十八年巡撫楊博重

開舊木龍壩為龍首渠遂墾田務兵以張欽城展築為堡以渠為名既而人漸繁衍居者苦狹復以劉杲城展築為上龍首堡謂舊堡為下龍首堡今略惟有一龍首堡東南去城四十里即上龍首堡也板答口在南二十里其外黑番曰白道人又平頂堡在南四十里馬蹄寺之巔其外黃番曰格家張掖河在堡西二里

甘浚堡 在縣西南八十里東至龍首堡四十里明置今略堡在黑河之西州南界山凡循黑河而東

皆黑番住牧河西皆黃番住牧也有四洞子堡磁
窰堡皆在東二十里西洞磁窰之南有山曰大磁
窰口小磁窰口

唵囉口 在梨園堡五里俗謂之波羅口黑河所逕
也其口外之路東通野馬川巴孫墩諸處西通紅
崖以至肅州口外黃番曰蜜小入有古木澗之黃
番曰白頭家牛毛山之黃番曰多力幹俱呼爲八
個家云又威敵堡俗呼爲葦子城在堡西四十里
又沙河堡在西北七十里撫彝堡在西北一百里

皆明置今置驛於此瓦窰堡在縣北二十里東至
人祖山口二十里新城堡在縣西北四十里東至
瓦窰堡三十里南至黑河五里明置曰靖安堡今
改名西二十里有明沙堡丁直板橋堡在縣西
北八十里東至新城堡四十里西至平川堡四十
里明置有羊臺口在北三十里西十五里至仙姑
塬又西十五里有柳樹堡亦明置

斜濠口 在縣東北六十五里東南至東樂堡十五
里沿邊東南至山丹縣七十里卽古灰溝口也烟

墩溝在口北五里溝西自靖安至此皆以山為固

溝東山勢漸平乃築長城直接山丹而東矣甲子

城在東南十里大路間明季所置

觀音山口 在縣東六十里極為衝要

東樂大口子 在縣東一百里

石打喇口 在縣南一百二十里

馬蹄口 在縣南一百二十里

大尾馬龍口 在縣西南一百三十里

小尾馬龍口 在縣南一百里

按舊志府城西北東南四路板橋堡起至明沙堡

止邊牆壕榨二千八百一十二丈計一十五里二

百二十四步明都御史廖逢節題修

迎恩橋 在東關門外

南石橋 在南門外

南津橋 在南門之東

沙水橋 在縣南十里

北洋橋 在縣北二十里跨弱水

大滿渠橋 在縣南四十里

來賓橋 在西門外

黑河橋 在縣西十三里

通河橋 在城內軍器局西

新建橋 在城內通局橋南長七尺

山丹縣

紅寺山關 在縣北三十里舊紅寺山口明嘉靖

中新修石關一道住歇塘哨夜不收

石人石馬關 在縣北一百五十里

東頭溝口青羊口 俱在縣東北四十里又紅羊圈

口在東北六十五里弱馬湖在東北七十里赤山

東小口在東北八十里石井口在東北九十里小

關兒口在東北一百里

玉泉口 在縣東北一百一十二里木槽兒口在東

北一百二十里團湖兒口在東北一百八十里靈

羊山口在北三十里獨峯山口青山口皆在北三

十里刺答口在北六十里鷄冠小口在北一百八

十里青苔泉口在北三百里白土口在西北二十

里龍頭山口在西北二十五里白路兒山口大山

子皆在西北三十里明嘉靖二十七年巡撫楊博
自玉泉口起至大口子皆浚築牆濠

焉那兒山口 在縣南一百里明時凡甘涼往來于

青海西寧者率皆由口而行路雖踰山實為捷徑
也又寧靜山口在南一百二十里和寧山口在南

一百三十里無虞山口在縣南四十里白石崖

口在東南二百里

新河堡 在縣東四十里東至石峽口四十里南至

馬營墩百四十里北至邊城五里兼置驛于此康

熙八年移堡兵于馬官墩又寧遠堡在東十里

石峽口堡 在縣東八十里城周二里設兵戍守峽

口路僅里許皆亂石高低曲折人馬皆艱難東二

十里有定羌廟在古城窰志 郡司志有范家營

堡在東南五十里大黃山堡在東南九十里永興

堡在南二十七里暖泉堡在南四十里場志 壩堡

在城南九十里俱明弘治中置

按舊志東路教場起古城窰界牌止牆壕崖志 崖壘

水石梯壘木一萬九千九百九十五志 文計一百一

十一里三十步明都御史廖逢節題修

甘倚 在縣西關外

白橋 在縣西關外

石嘴橋 在縣西十二里

大橋 在縣西二十五里

永安橋 在縣北二十里舊江橋弱水經流處

也

甘肅通志卷之第十終

